

“ვამტკიცებ”
ქალაქ ქუთაისის მუნიციპალიტეტის მერის მოადგილე
იუზა უგულავა



მიღება-ჩაბარების აქტი #1

ქ. ქუთაისი

ჩვენ ქვემოთ ხელისმომწერნმა, ერთის მხრივ ქ. ქუთაისის მუნიციპალიტეტის მერიის პირველადი სტრუქტურული ერთეულის მუნიციპალური და საბინაო ინფრასტრუქტურის განვითარების სამსახურის ხელმძღვანელმა ანტონ ჩიხლაძემ /შემსყიდველი/ და მეორეს მხრივ შპს „სიმარჯვის“ დირექტორმა დავით ღიბრაძემ /მიმწოდებელი/ შევადგინეთ აღნიშნული აქტი შემდეგზე:

შპს „სიმარჯვის“ მიერ 2023 წლის 25 ნოემბერს შესრულდა ქ. ქუთაისის მერიასთან 2023 წლის 20 აპრილს გაფორმებული #189 ხელშეკრულების შესაბამისად, ნაგვის კონტეინერების სახელმწიფო შესყიდვა, ღირებულებით 77 198 ლარი.

რაზედაც ხელს ვაწერთ:

ქალაქ ქუთაისის მუნიციპალიტეტის მერიის პირველადი სტრუქტურული ერთეულის მუნიციპალური და საბინაო ინფრასტრუქტურის განვითარების ხელმძღვანელი

ანტონ ჩიხლაძე 

შპს „სიმარჯვის“ დირექტორი
დავით ღიბრაძე

ქალაქ ქუთაისის მუნიციპალიტეტის საკუთრებაში არსებული მოძრავი ქონების
პირდაპირი განკარგვის წესით, უსასყიდლო თხოვების ფორმით,
სარგებლობის უფლებით გადაცემის შესახებ

ქალაქი ქუთაისი

06 მარტი 2024 წელი

მუხლი 1. ხელშეკრულების მხარეები

ქალაქი ქუთაისის მუნიციპალიტეტის მერია, ქალაქ ქუთაისის მუნიციპალიტეტის მერის იოსებ ხახალაიშვილის სახით (ტექსტში - „გამნათხოვრებლად“ წოდებული) ერთის მხრივ და არასამეწარმეო (არაკომერციული) იურიდიული პირის „სპეციალური სერვისების“ (საიდენტიფიკაციო კოდი №412704612) დირექტორის თენგიზ არსენიძის სახით (შემდგომში - „მონათხოვრედ“ წოდებული) მეორეს მხრივ, ვდებთ ქალაქ ქუთაისის მუნიციპალიტეტის საკუთრებაში არსებული მოძრავი ქონების, პირდაპირი განკარგვის წესით, უსასყიდლო თხოვების ხელშეკრულებას, რომელშიც განსაზღვრულია მხარეთა უფლებები და ვალდებულებები ხელშეკრულების საგნის მიმართ.

მუხლი 2. ხელშეკრულების სამართლებრივი საფუძველები

ამ ხელშეკრულების სამართლებრივი საფუძველია: საქართველოს კონსტიტუცია, საქართველოს სამოქალაქო კოდექსი, საქართველოს ორგანული კანონი „ადგილობრივი თვითმმართველობის კოდექსი“, საქართველოს მთავრობის 2014 წლის 8 დეკემბრის №669 დადგენილება, ქალაქ ქუთაისის მუნიციპალიტეტის საკრებულოს 2015 წლის 9 იანვრის №65 დადგენილებით დამტკიცებული წესი, ქალაქ ქუთაისის მუნიციპალიტეტის საკრებულოს 2024 წლის 31 იანვრის №265 განკარგულება და ქალაქ ქუთაისის მუნიციპალიტეტის მერის 2024 წლის 06 მარტის №ბ44.44240664 ბრძანება.

მუხლი 3. ხელშეკრულების საგანი

3.1. გამნათხოვრებელი გადასცემს, ხოლო მონათხოვრე პირდაპირი განკარგვის წესით, უსასყიდლოდ, თხოვების ფორმით, სარგებლობაში იღებს, ქალაქ ქუთაისის მუნიციპალიტეტის საკუთრებაში არსებულ, მოძრავ ქონებას, კერძოდ 22 (ოცდაორი) ერთეული ნაგვის კონტეინერი (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორი (სენსორი; მარკა: „ULTRABAT03“, მწარმოებელი ქვეყანა: საქართველო, მწარმოებელი: შპს „1 GPS“ ოპერატორი). მოძრავი ქონების საერთო ღირებულება შეადგენს 96 998.00 (ოთხმოცდათექვსმეტი ათას ცხრაას ოთხმოცდათვრამეტი) ლარს.

3.2. ხელშეკრულების გაფორმებასთან ერთად, მხარეებს შორის ფორმდება სარგებლობაში გადასაცემი ქონების მიღება-ჩაბარების აქტი, რომელიც ასევე წარმოადგენს ხელშეკრულების განუყოფელ ნაწილს.

მუხლი 4. ხელშეკრულების ვადა

წინამდებარე ხელშეკრულებით ქალაქ ქუთაისის მუნიციპალიტეტის საკუთრებაში არსებული მოძრავი ქონება (22 (ოცდაორი) ერთეული ნაგვის კონტეინერი (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორი (სენსორი; მარკა: „ULTRABAT03“, მწარმოებელი ქვეყანა: საქართველო, მწარმოებელი: შპს „1 GPS“ ოპერატორი), პირდაპირი განკარგვის წესით, უსასყიდლოდ, თხოვების ფორმით სარგებლობაში გადაიცემა უვადოდ.

მუხლი 5. მხარეთა უფლება-მოვალეობანი

5.1. გამნათხოვრებელი ვალდებულია:

- ა) მოამზადოს ქონების გადასაცემად საჭირო დოკუმენტაცია;
- ბ) ხელი შეუწყოს მონათხოვრის მიერ თხოვების ფორმით მიღებული მოძრავი ქონებით სარგებლობას.

5.2. გამნათხოვრებელს უფლება აქვს:

ა) ხელშეკრულების მოქმედების პერიოდში დაათვალიეროს უსასყიდლო თხოვების ფორმით გადაცემული ქონება,

ბ) მოითხოვოს ხელშეკრულების შეწყვეტა, თუკი:

ბ.ა) მონათხოვრე, წერილობითი გაფრთხილების მიუხედავად, არღვევს ქალაქ ქუთაისის მუნიციპალიტეტის საკუთრებაში არსებული მოძრავი ქონების უსასყიდლო თხოვების ფორმით, სარგებლობის უფლების გადაცემასთან დაკავშირებულ ქალაქ ქუთაისის მუნიციპალიტეტის საკრებულოს 2024 წლის 31 იანვრის №265 განკარგულებით, ქალაქ ქუთაისის მუნიციპალიტეტის მერის 2024 წლის 06 მარტის №844.44240664 ბრძანებითა და მოცემული ხელშეკრულებით განსაზღვრულ პირობებს;

ბ.ბ) მონათხოვრე განზრახ ან გაუფრთხილებლობით აუარესებს უსასყიდლო თხოვების ფორმით გადაცემული მოძრავი ქონების მდგომარეობას, რითაც ზიანი ადგება გამნათხოვრებელს, აღნიშნული მიზეზების წარმოშობის შემთხვევაში მესაკუთრე 1 (ერთი) კვირით ადრე, წერილობით აცნობებს მონათხოვრეს ხელშეკრულების გაუქმების შესახებ და თუ ამ ვადაში მონათხოვრემ არ წარმოადგინა ხელშეკრულების გაუქმების მიზეზების აღმოფხვრის დამადასტურებელი დოკუმენტი, მესაკუთრე უფლებამოსილია ცალმხრივად გააუქმოს ხელშეკრულება დადგენილი წესით და დაიბრუნოს სარგებლობის უფლებით გადაცემული ქონება;

ბ.გ) საქართველოს კანონმდებლობით დადგენილ სხვა შემთხვევებში.

5.3. მონათხოვრე ვალდებულია:

ა) მისთვის გადაცემული ქონების გამოყენებისას დაიცვას სარგებლობის ხელშეკრულებით განსაზღვრული პირობები, სარგებლობის ხელშეკრულებით ნაკისრი ვალდებულებები და მათი შესრულების მიმდინარეობის შესახებ მოთხოვნისთანავე წარუდგინოს ინფორმაცია ქალაქ ქუთაისის მუნიციპალიტეტის აღმასრულებელ ორგანოს;

ბ) დაიცვას დაზიანებისაგან თხოვების ფორმით მიღებული მოძრავი ქონება, არ დაუშვას სხვა პირთა მიერ მისით უკანონოდ სარგებლობა;

გ) არ განახორციელოს კანონსაწინააღმდეგო ქმედებები ქონების მიმართ;

დ) აუნაზღაუროს გამნათხოვრებელს ქონების მდგომარეობის გაუარესებით გამოწვეული ზიანი, კერძოდ, მისი ღირებულების 20%-ის ოდენობით, ამასთან ნორმალური ცვეთა მხედველობაში არ მიიღება;

ე) წინამდებარე ხელშეკრულებით, სარგებლობაში გადაცემული, ქალაქ ქუთაისის მუნიციპალიტეტის საკუთრებაში არსებული მოძრავი ქონება (22 (ოცდაორი) ერთეული ნაგვის კონტეინერი (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორი (სენსორი; მარკა: „ULTRABAT03“, მწარმოებელი ქვეყანა: საქართველო, მწარმოებელი: შპს „1 GPS“ ოპერატორი) გამოიყენოს მისი პირდაპირი დანიშნულებით;

ვ) გამნათხოვრებლის თანხმობის გარეშე არ გადასცეს ნათხოვარი მოძრავი ქონება მესამე პირებზე სარგებლობის ფორმით;

ზ) საკუთარი სახსრებით აწარმოოს მოძრავი ქონების მოვლა-პატრონობა. აღნიშნული მიზნით გაწეული ხარჯები გამნათხოვრებლის მხრიდან კომპენსაციას არ ექვემდებარება;

თ) მოთხოვნისთანავე, დაუბრუნოს გამნათხოვრებელს ქონება ნორმალურ მდგომარეობაში.

5.4. მონათხოვრეს უფლება აქვს:

ა) მოითხოვოს ხელშეკრულების ვადამდე გაუქმება, თუ უსასყიდლო თხოვების ფორმით გადაცემული ქონება გამოუსადეგარი გახდა იმ გარემოებათა გამო, რომლისთვისაც მონათხოვრეს პასუხისმგებლობა არ ეკისრება;

ბ) სარგებლობაში გასცეს (გააქირავოს, იჯარით გასცეს, თხოვების ფორმით გადასცეს) თხოვების უფლებით გადაცემული ქონება ან მისი ნაწილი ქალაქ ქუთაისის მუნიციპალიტეტის აღმასრულებელ ორგანოსთან შეთანხმებით. ამასთან, სარგებლობის პირობები უნდა გამომდინარეობდეს და შეესაბამებოდეს

წინამდებარე ხელშეკრულებას. ხელშეკრულების ვადის დასრულების ან ვადამდე გაუქმების შემთხვევაში სარგებლობა წყდება.

5.5. მხარეებს უფლება აქვთ მოითხოვონ ხელშეკრულების ვადამდე შეწყვეტა, არსებული კანონმდებლობის შესაბამისად.

მუხლი 6. ქონების საკუთრების უფლება

6.1. სარგებლობაში გადაცემული ქონების გამოყენებით შექმნილი პროდუქცია, შემოსავალი, აგრეთვე ამ შემოსავლის ხარჯზე შეძენილი ქონება ეკუთვნის მონათხოვრეს.

6.2. სარგებლობაში გადაცემული ქონების მიმღების საკუთრებაა, სარგებლობაში გადაცემული ქონების მთელი ის გაუმჯობესებული ნაწილი, რომელიც მან შეძლო საკუთარი და მასთან გათანაბრებული სხვა სახსრებით და რომელთა გამოყოფა შეიძლება სარგებლობაში გადაცემული ქონების დაუზიანებლად. იმ შემთხვევაში, თუ ქონების ნაწილის გამოყოფა ქონებისაგან შეუძლებელია, სარგებლობაში გადაცემული დაუზიანებლად, მათი ღირებულება მესაკუთრის მიერ არ ანაზღაურდება.

მუხლი 7. ფორს - მაჟორი

7.1. მხარეები თავისუფლდებიან პასუხისმგებლობისაგან ვალდებულების შეუსრულებლობისათვის, თუკი ეს გამოწვეული იყო დაუძლეველი ძალის გამო.

7.2. დაუძლეველი ძალა ნიშნავს ისეთ გარემოებას, რომელიც წარმოიშვა მხარეთა ნების გარეშე და რომლის დადგომისა და მოქმედების კონტროლი აღემატება მხარეთა გონივრულ კონტროლს, რომელიც მოიცავს (მაგრამ არ შემოიფარგლება) სტიქიურ უბედურებებს, მიწისძვრებს, საომარ მოქმედებებს, სამოქალაქო არეულობებს და სხვა. აგრეთვე, კანონმდებლობის შეცვლა, სახელმწიფო ორგანოების მოქმედებები, რომლებიც შეუძლებელს გახდიან მხარეთა მიერ ნაკისრი ვალდებულებების შესრულებას. აღნიშნულ შემთხვევებში მხარეთა მიერ ნაკისრი ვალდებულებების შესრულება გადაიწვეს იმ ვადით, რა პერიოდშიც იარსებებს დაუძლეველ ძალთა სიტუაცია. ვალდებულების შესრულების ვადის გადაწვევა არ მოხდება იმ შემთხვევაში თუ რომელიმე მხარემ დაკარგა ინტერესი მეორე მხარის მიერ ვალდებულების შესრულებისადმი.

მუხლი 8. ხელშეკრულების პირობების შეცვლა

ნებისმიერი ცვლილება ან/და დამატება წინამდებარე ხელშეკრულებაში შეიძლება შეტანილ იქნეს მხარეების მიერ, მოქმედი კანონმდებლობისა და ორმხრივი წერილობითი შეთანხმების საფუძველზე. აღნიშნული ცვლილება ან/და დამატება ძალაშია ხელშეკრულების (ცვლილების) ხელმოწერის დღიდან.

მუხლი 9. სხვა დებულებანი

9.1. მხარეთა შორის წარმოქმნილი სხვა სადაო საკითხები წყდება მხარეთა შორის ურთიერთშეთანხმების გზით, ხოლო გადაუწყვეტლობის შემთხვევაში სასამართლოში.

9.2. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, თითო ეგზემპლარი ინახება მხარეებთან და ძალაშია ხელშეკრულების ხელმოწერის დღიდან.

მუხლი 10. მხარეთა რეკვიზიტები

გამნათხოვრებელი:

ქალაქ ქუთაისის მუნიციპალიტეტის მერი
იოსებ ხახალეიშვილი

ხელმოწერა:



მონათხოვრე:

არასამეწარმეო (არაკომერციული) იურიდიული
პირი „სპეციალური სერვისები“ (შპს) 412704612)
დირექტორი თენგიზ არსენიძე

ხელმოწერა:



მიღება – ჩაბარების აქტი

ქალაქი ქუთაისი

06 მარტი 2024 წელი

ეს აქტი შევადგინეთ მასზედ რომ, ქალაქ ქუთაისის მუნიციპალიტეტის მერია, ქალაქ ქუთაისის მუნიციპალიტეტის მერის იოსებ ხახალაიშვილის სახით (ტექსტში - „გამნათხოვრებლად“ წოდებული) სახით ერთის მხრივ ჩააბარა, ხოლო არასამეწარმეო (არაკომერციული) იურიდიული პირის „სპეციალური სერვისების“ (საიდენტიფიკაციო კოდის №412704612) დირექტორმა თენგიზ არსენიძემ (შემდგომში - „მონათხოვრედ“ წოდებული) მეორეს მხრივ ჩაიბარა, ქალაქ ქუთაისის მუნიციპალიტეტის საკუთრებაში არსებული, 96 998.00 (ოთხმოცდათექვსმეტიათას ცხრაასოთხმოცდათვრამეტი) ლარის ღირებულების მოძრავი ქონება, კერძოდ, 22 (ოცდაორი) ერთეული ნაგვის კონტეინერი (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორი (სენსორი; მარკა: „ULTRABAT03“, მწარმოებელი ქვეყანა: საქართველო, მწარმოებელი: შპს „1 GPS“ ოპერატორი), პირდაპირი განკარგვის წესით, უსასყიდლოდ, თხოვების ფორმით, უვადოდ.

ქალაქ ქუთაისის მუნიციპალიტეტის მერი
იოსებ ხახალაიშვილი

არასამეწარმეო (არაკომერციული) იურიდიული
პირის „სპეციალური სერვისების“ (ს/კ №412704612)
დირექტორი თენგიზ არსენიძე

ხელმოწერა:



ხელმოწერა:





ს ა ქ ა რ თ ვ ე ლ ო
ქალაქ ქუთაისის მუნიციპალიტეტის მერის
ბრძანება



ბრძანება:ბ44. 44240664

თარიღი:06/03/2024

ქალაქ ქუთაისის მუნიციპალიტეტის საკუთრებაში არსებული მოძრავი ქონების

(ნაგვის კონტეინერები, ნაგვის კონტეინერის შევსების ინდიკატორები)

არასამეწარმეო (არაკომერციული) იურიდიული პირის

„სპეციალური სერვისებისათვის“ პირდაპირი განკარგვის წესით,

უსასყიდლოდ, თხოვების ფორმით, უვადო სარგებლობაში

გადაცემის თ ა ო ბ ა ზ ე

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ“ ქვეპუნქტის „დ.გ“ ქვეპუნქტის, 122-ე მუხლის პირველი პუნქტის „ე“ ქვეპუნქტის, ამავე მუხლის მე-2, მე-4, მე-5 და მე-6 პუნქტების, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების, „ქალაქ ქუთაისის მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრისა და ანგარიშსწორების წესების დამტკიცების შესახებ“ ქალაქ ქუთაისის მუნიციპალიტეტის საკრებულოს 2015 წლის 9 იანვრის №65 დადგენილებისა და ქალაქ ქუთაისის მუნიციპალიტეტის საკრებულოს 2024 წლის 31 იანვრის №265 განკარგულების საფუძველზე, ვ ბ რ ძ ა ნ ე ბ:

მუხლი 1. გადაეცეს არასამეწარმეო (არაკომერციული) იურიდიულ პირს „სპეციალურ სერვისებს“ (საიდენტიფიკაციო კოდის №412704612), პირდაპირი განკარგვის წესით, უსასყიდლოდ, თხოვების ფორმით, უვადო სარგებლობაში, ქალაქ ქუთაისის მუნიციპალიტეტის საკუთრებაში არსებული მოძრავი ქონება, კერძოდ 22 (ოცდაორი) ერთეული ნაგვის კონტეინერი (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორი (სენსორი; მარკა: „ULTRABAT03“, მწარმოებელი ქვეყანა: საქართველო, მწარმოებელი: შპს „1 GPS“ ოპერატორი). მოძრავი ქონების საერთო ღირებულება შეადგენს 96 998.00 (ოთხმოცდათექვსმეტიათას ცხრაასოთხმოცდათვრამეტი) ლარს.

მუხლი 2. არასამეწარმეო (არაკომერციული) იურიდიული პირის „სპეციალური სერვისების“ (საიდენტიფიკაციო კოდის №412704612) მიერ, თხოვების ფორმით, სარგებლობის უფლებით

გადაცემული მოძრავი ქონება გამოყენებულ იქნეს მისი პირდაპირი დანიშნულებით.

მუხლი 3. ბრძანების კონტროლი დაევალოს მერის მოადგილეს იუზა უგულავას.

მუხლი 4. ბრძანება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრაძის ქუჩა №11), მისი გაცნობიდან ერთი თვის ვადაში.

მუხლი 5. ბრძანება ძალაში შედის კანონით დადგენილი წესით.

იოსები სახალეიშვილი

ქალაქ ქუთაისის მუნიციპალიტეტის მერია-მერი



გამოყენებულია კვალიფიკირებული
ელექტრონული ხელმოწერა/
ელექტრონული შტამპი





ს ა ქ ა რ თ ვ ე ლ ო

ქალაქ ქუთაისის მუნიციპალიტეტის საკრებულო

გ ა ნ კ ა რ გ უ ლ ე ბ ა

№ 265

ქალაქი ქუთაისი

31

იანვარი

2024 წელი

ქალაქ ქუთაისის მუნიციპალიტეტის საკუთრებაში არსებული მოძრავი ქონების, არასამეწარმეო (არაკომერციული) იურიდიული პირის „სპეციალური სერვისებისათვის“ პირდაპირი განკარგვის წესით, უსასყიდლოდ, თხოვების ფორმით, უვადო სარგებლობაში გადაცემის თაობაზე, ქალაქ ქუთაისის მუნიციპალიტეტის მერისათვის თანხმობის მიცემის შ ე ს ა ხ ე ბ

საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „დ“ ქვეპუნქტის „დ.გ“ ქვეპუნქტის, 122-ე მუხლის პირველი პუნქტის „ე“ ქვეპუნქტის, ამავე მუხლის მე-2, მე-4, მე-5 და მე-6 პუნქტების, „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების დამტკიცების შესახებ“ საქართველოს მთავრობის 2014 წლის 8 დეკემბრის №669 დადგენილების, „ქალაქ ქუთაისის მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრისა და ანგარიშსწორების წესების დამტკიცების შესახებ“ ქალაქ ქუთაისის მუნიციპალიტეტის საკრებულოს 2015 წლის 9 იანვრის №65 დადგენილებისა და ქალაქ ქუთაისის მუნიციპალიტეტის მერის 2024 წლის 23 იანვრის №44-4424023703 წერილობითი მომართვის შესაბამისად:

მუხლი 1. მიეცეს თანხმობა ქალაქ ქუთაისის მუნიციპალიტეტის მერს, იოსებ ხახალეიშვილს, არასამეწარმეო (არაკომერციული) იურიდიული პირის „სპეციალური სერვისებისათვის“ (საიდენტიფიკაციო კოდის №412704612) პირდაპირი განკარგვის წესით, უსასყიდლოდ, თხოვების ფორმით, უვადო სარგებლობაში, ქალაქ ქუთაისის მუნიციპალიტეტის საკუთრებაში არსებული მოძრავი ქონების, კერძოდ, 22 (ოცდაორი) ერთეული ნაგვის კონტეინერისა (მწარმოებელი ქვეყანა: რუმინეთი, „GRADINARIU IMPORT EXPORT SRL“) და 22 (ოცდაორი) ერთეული ნაგვის კონტეინერის შევსების ინდიკატორის (სენსორი; მარკა: „ULTRABAT03“, მწარმოებელი ქვეყანა: საქართველო, შპს „I GPS“ ოპერატორი) გადაცემის თაობაზე. მოძრავი ქონების საერთო ღირებულება შეადგენს 96 998.00 (ოთხმოცდათექვსმეტიათას ცხრაასოთხმოცდათვრამეტი) ლარს.

მუხლი 2. არასამეწარმეო (არაკომერციული) იურიდიული პირის „სპეციალური სერვისების“ (საიდენტიფიკაციო კოდის №412704612) მიერ, თხოვების ფორმით, სარგებლობის უფლებით გადაცემული უძრავი ქონება, გამოყენებულ იქნეს მისი პირდაპირი დანიშნულებით.



მუხლი 3. ქალაქ ქუთაისის მუნიციპალიტეტის მერმა, იოსებ ხახალაიშვილმა, უზრუნველყოს მოძრავი ქონების თხოვების ფორმით გადაცემისათვის საჭირო დოკუმენტაციის გაფორმება.

მუხლი 4. კონტროლი განკარგულების შესრულებაზე განხორციელოს ქალაქ ქუთაისის მუნიციპალიტეტის საკრებულოს ეკონომიკის, ქონების მართვისა და საქალაქო მეურნეობის კომისიამ.

მუხლი 5. განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრაძის ქუჩა №11), გაცნობიდან ერთი თვის ვადაში.

მუხლი 6. განკარგულება ძალაში შევიდეს კანონით დადგენილი წესით.


საკრებულოს თავმჯდომარე

ირაკლი შენგელია



“ვამტკიცებ”

ქალაქ ქუთაისის მუნიციპალიტეტის მერის მოადგილე
იუზა უგულავა



მიღება-ჩაბარების აქტი #2

ქ. ქუთაისი

ჩვენ ქვემოთ ხელისმომწერნმა, ერთის მხრივ ქ. ქუთაისის მუნიციპალიტეტის მერიის პირველადი სტრუქტურული ერთეულის მუნიციპალური და საბინაო ინფრასტრუქტურის განვითარების სამსახურის ხელმძღვანელმა ანტონ ჩიხლაძემ /შემსყიდველი/ და მეორეს მხრივ შპს „სიმარჯვის“ დირექტორმა დავით ღიბრაძემ /მიმწოდებელი/ შევადგინეთ აღნიშნული აქტი შემდეგზე:

შპს „სიმარჯვის“ მიერ 2024 წლის 25 ნოემბერს დასრულდა ქ. ქუთაისის მერიასთან 2023 წლის 20 აპრილს გაფორმებული #189 ხელშეკრულების შესაბამისად, **ნარჩენების შემაგროვებელი კონტეინერებისა და ულტრაბერითი დონის ავსების სენსორის მიწოდება**, ღირებულებით 19800 ლარი.

სულ #189 ხელშეკრულების შესაბამისად შესრულებული სამუშაოს ღირებულებამ შეადგინა 96998 ლარი.

რაზედაც ხელს ვაწერთ:

ქალაქ ქუთაისის მუნიციპალიტეტის მერიის პირველადი სტრუქტურული
ერთეულის მუნიციპალური და საბინაო ინფრასტრუქტურის
განვითარების ხელმძღვანელი
ანტონ ჩიხლაძე

შპს „სიმარჯვის“ დირექტორი
დავით ღიბრაძე